



譚襄敏公奏議卷之一



知宜黃縣事後學武原顧所有纂修

恭謝

天恩疏

嘉靖四十二年二月望日題

臣前任浙江布政使司右叅政兼按察司副使
奉

勅巡海嘉靖四十年三月十九日以父憂離任本年
九月間因廣寇流突江西伏蒙

皇上以金革復臣原職事寧伏蒙

東京大學
東洋文化研究所所藏
漢籍善本全文影像資料庫

書名 譚襄敏公遺集三卷首一卷末一卷 嘉靖二十四年序刊與譚襄敏公奏議合印本
撰者 明 譚綸 撰
卷 卷首
內容分類 集-別集-明中葉
索書號 大木-總類-奏議-別集-20
編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)


版權所有: [東京大學 東洋文化研究所](#)

[使用上的注意事項](#)

田月譚襄敏公奏議

戊寅仲春
歸安張興言題籤





譚襄敏公奏議前序

當



世宗肅皇帝朝以徽胡公督師海上誘王直斬之寧波定海間獲一白鹿獻天子而茲邑

先大司馬襄敏譚公守台州有

仙居黃巖馘俘功胡公素貴倨
特表公巡海使握憲節部署兵
事得俞戚將越勁卒惡戰東
殲焉是時倭犯浙東以西旁及
鄙禾興之鹽官自余爲童子秀
才從父師間有慕藺之思興微
管之歎矣公軍前草檄成文字

鞍馬間頃刻萬言急就而功歸
於上亡何憂去滁胡公起復公
江西殺賊 張璉已上書陳情
會有甌閩之變

朝廷加公節鉞將俞戚而東趣興
化復之自是始得以便宜行事
專制閩外輒宣露布以

言事類公多言
二
閩條陳十一事內增設銅山小
埕與烽火門南日浯嶼爲五艘
分戍金台客兵置籍伍焉還定
香寮草竊零倭流劫疏留文武
建置未盡事宜而乞補不計閩
之制著爲令蓋自壬戌癸亥以
後公所議將議兵議食議海禁

議寬逋議有司議添設溪南東
洋和睦集賢等縣治鑿鑿日見
之行而倭奴不敢南侵者垂二
十年尋以僉都分陝而西川命
下公虞二司爲盜三窟議改駐
永寧宣撫司而播州楊氏所轄
八司土無務獨偏累常賦之

外至荆瞿二衛叅土漢之權議
改施州於支羅扼諸夷出劫重
夔之衝首尾成率然勢至於瀘
叙通郵利建侯而不寧安鳳逆
酋因婦以盡敵但未知伏波
銅柱諸葛縱禽何如昔乘厓入
蜀功高劍閣彥博平妖威信百

蠻公殆鄰庶乎未幾以五兵侍

郎移鎮百粵討七山賊平之密
畫方畧指揮如意制諸徭獯赭
山而焚滅羅旁直釜魚耳已
朝廷以北爲憂而公亦以驃騎
未滅匈奴爲恨自

國家昇兀良哈朵顏三衛棄大

寧郎榆木三犁龍庭見一角獸
而土木國馳未刷且耕牧河
南朔方地內証套腹裏一片否
北口喜峰與我共一牆耳庚戌
之役烽火照甘泉雲中

上爲罷吳食無歲不與戰公至
鎖便有封狼居胥意於是疏古

車戰法疏車騎合練法疏吳越
燕趙主客互用法疏火器鳥銃
長短鎗械法疏永密昌遵立三
大屯營法疏樁朋馬政南工漕
糧乾銀鹽鐵銅錢法疏園陵北
門衝緩十一路戰守法疏春秋
防班軍法疏韃軍韃舍遊兵民

言身錄卷之五 龍虎 五
兵標兵枝調法疏京營羽林井
大真保軍補練法於是條薊鎮
未盡事宜者七如議應援明節
制查勾補革虛冒易佛郎機用
堅多木增銳一路勝兵三千焉
於是造車七百乘以戰築邊壕
塹二千餘里以守而最重大設

一面受敵之險則無若議增臺
三千座賢十萬師也所謂處臺
於牆之突收牆於臺之曲曲者
守突者戰至今倚公爲長城斯
滅之本萬世之利也自是互
市茶馬罷自是啗 金錢銀絹
省而小王子俺答青黃台吉款

我矣雖本

朝氣盛 運少衰而公數年經營
之力居多至有彼中 婦遣女
郎子嬀至塞上親執玉笋向邊
大吏辭嫁請乞者何論洛陽年
少頸繫單于 馬不敢南牧乎
穆皇以公右都兼協理戎政尚書

寺告之明年

上初御寶厯起公本兵加少保公
雍容巖廊不甚談兵九邊扼塞
乘險守要害處

廟算益深無爲事邊事疏而宣大
遼左有賊輒伏誅西川東粵平
三巨盜俠收凌霄九絲諸蠻寨

而羅旁竟用公遺計振丁丑之
旅延錦衣之賞於世焉公平生
甲齊熊耳名象祁連他日者圖
畫麒麟陪食

太廟與蟒衣玉帶劍履勲盟者相
輝映豈直忠宣奏議感泣百將
澹庵一疏 購千金而已哉余

少習公海道時事幸以

命吏來蒞茲邑見公令子瞻公
遺像徘徊不忍去久之公子錦
衣指揮僉事君河圖從長安邸
舍索公遺疏余得而讀之於夙
志欣有合焉已從公里申故家
遺老猶有能言其事者新河之

役倭薄陪畿公爲南曹郎遽白
取武庫兵仗犀利如馬隆故事
借荆楚材官劍客馳赴倭幾滅
頂而士氣百倍卒有廟灣之捷
其視自北征西之子玉有間哉
則其榮

三朝名勲雄南征北伐之威蓋有
自矣辛未之警公與家人訣誓
死戰請得以身當黃花營護

陵寢嗚呼忠矣雖然昔越勾踐君
子六千人爭衡上國而公以義
烏組練三千出入江廣閩蜀之
間合山西幽薊之卒以殿
天子之邦斯古方叔召虎爭烈矣

則謂斯疏一出指掌見華夷之
圖歷歷知公行事之實彼天台
之戰未嘗不在鉅鹿下也頃者
聖天子拊髀思頗牧在

廷科臣交章疏公及徽胡公事
以風在位者乃至東封犬豕失
中國體後畫鴨綠界以保高麗



年而後克之幾天幸哉說者
又謂南北兩志竟佚史失反
目俞戚為大將如韓信項籍確
鬪則信乎陳壽崔浩薛能之徒
口武侯將畧矣余特表而出之
見公疏隻字片言固民間布帛
菽粟也實其言可以長世矣若


夫布若弈碁前盤後子動靜生
死串若貫珠價美連都圓走曲
明大將建王良之旗北落射天
狼之足旄頭滅白衣之聚魁壘
明初夜之星有佻車輪又如騰
蛇八門五花變化若神茲泉鼓
鳴郎武子十三篇太公陰符信
陵黃石諸秘法運以韓白之才
方以孫吳之駕若陸伯言鬼入
於石陣而不神出司馬季主獻
兆於元龜而不能策決今其疏
具在固可覆而案也詩曰蕭蕭
馬鳴悠悠旆旌公蓋有焉殆却
穀祭遵羊叔子之流有古儒將

之風哉至若終制二表禡江陵
 之魄廕第一疏愧中山之心又
 公炳烺大節有本云余得討論
 公家藏繕本定為十卷一百四
 疏十六餘萬言付之剖劘氏公
 諱綸字子理別號二華先生起
 家甲辰進士歷官鄉孤謚襄敏

江西宜黃人

皆

萬歷庚子仲春之吉知宜黃縣事
 後學武原顧所有頓首撰叙



譚襄敏公奏議序

譚襄敏公奏議十卷曰撫閩稿
撫蜀稿薊遼稿皆公存時手自
刪定藏副於家萬曆己亥宜黃
令穎泉顧君念公一代名臣忠
謀石畫載在國史茲邑實嶽降
之地表章先哲以風示來世守

吏之職莫大於此乃從公冢嗣
錦衣君句得諸稿屬孝廉鄒君
啟元李君希哲文學黃生濯纓
重加叙次訂其訛謬三稿之外
復以陳情謝恩條奏邊務諸疏
最重要者增入於中通計一百
四十首捐俸錢梓以傳鴻臚劉

君森濰簿黃君芾光祿署正劉
君談等爭助以成工甫竣錦衣
君束書函幣不遠數百里走使
泉湖山中致顧君意屬不佞爲
之序

明興文臣以武功顯者開創靖難
之際無論已

宣英以後莫如威寧靖遠文成三王公爲最蓋並以討叛擒逆取封拜食祿世世不絕此其至盛自餘若許襄毅王端毅王恭襄劉莊襄翁襄敏楊襄毅六七名鉅籌邊之績厯厯可述然或在西北或在東南止於一隅一事

而已至於伏鉞專征撫綏方鎮足跡幾徧寓內所至誦德不衰則二百餘年來公一人爾先是肅皇帝在位承平日久物豐萌芽四方漸以多事倭最先起海上時公筮仕爲南兵曹郎郎能出奇佐大司馬殄除氛縠已而擢

守台郡游歷副臬叅知皆在浙
東西轉餉足兵後先數年計畫
周悉境內乂安一時縉紳中以
知兵名者公爲稱首已而江西
有流寇之變找殺方面大吏及
指揮使各一人遠近不支公奉
明詔奪情起監軍事事平疏請終

制而島突犯興化境汀建漳
泉諸郡搖動公復奉
詔以墨纒視事旋進大中丞撫
全閩拮据年餘閩事大定再請
終制未及禫除陝西警報至復
起公撫全陝未至而滇
躡蜀界

廟堂諸大臣會議謂陝事固急蜀事尤急非公孰倚者請於

上道改公撫全蜀卒賴公計勦滇叛以寧已又晉公兵侍兼憲職總制閩廣軍務旋召入佐樞筦復出總薊遼與戚將軍繼光躬教車戰沿邊修墩臺防以數

千計爲

國家萬世利入協京營戎政號令肅然有趙營平之風焉當是時四方無事則已一旦有急中外靡不推轂公者不幸而事併起恨不分公數身以應之公亦惟

上所命因地與時相機注措若和
扁之瘳疾期於活人不局一方
故能提衡甌越閩廣秦蜀燕趙
之士卒無不如志假令三王公
與許襄毅以下諸君子生當其
時度長挈大未知視公何如也
最後召起爲大司馬自以千載

一時之遇誓竭心力以報

上恩風聲所被債帥歛跡諸邊交
武將吏皆懍懍奉約束自公在
事四方奏凱獻琛迄無虛歲於
時

國家所恃爲長城東不在海西
不在劍門南不在江北不在三

關惟在公之一身而公又欲及
政暇興起前人所未爲及議復
河套以固內地使其志得盡行
可保百年無事而公遽不祿此
其所繫殆不特一人生死之故
矣公沒且二十餘年代公柄樞
者無慮七八輩並傑然負一時

方召之望然至頃年朝鮮寧夏
與西川之事輒相顧嘆曰安得
起公九原而委重之其爲人心
所追慕如此嗟乎公殆古所稱
社稷臣者哉顧天奪之速大之
不得如三王公膺帶礪之盟以
旌其伐次之不得如兩襄毅用

孤卿握銓以竟其用論世者有
遺憾焉雖然今諸疏具在皆公
精神心術之所寓其足傳者固
遠矣予自爲諸生已雅聞公名
及得侍公同朝先後十餘年孱
公忘年下交引爲知己間嘗請
於公所以經理四方隨試輒效

其道何繇公因謂予其要不出
用人與信賞罰二端而尤在不
以已與之乃可底績予退而嘆
服此與諸葛集思廣益開誠布
公之指千載同符以是知公之
建立皆本之學術世徒以才畫
勲勞誦公者特膚末耳予蒙愛

於公有年而錦衣君飭躬勵行
數以世講故過從甚密故不辭
其請輒以居常所聞教於公者
推本言之使百世之下讀公之
疏者知公學術所在而不徒以
才畫勲勞視公庶幾得公之大
者乃若公柄樞以後諸建白所

繫尤鉅收拾散逸續付剖劘以
成全書斯又予所屬望於錦衣
君者也顧君名所有字謙叔浙
之海鹽人在事六年政通人和
百廢具興所嘉惠邑人者其事
非一然無過是舉者鄒李黃三
君同里人有學識經歲編校劉

君橋梓暨黃君鄉閭表率與公
世媿尊崇功德助資督鉞從事
借勞亦足覘其景行之志云

萬曆二十八年孟秋月吉旦
賜進士出身資德大夫正治上卿
太子少保工部尚書侍

經筵蒙

恩予告

詔起南京吏部尚書再予告吉水
會同亭頓首拜撰

譚襄敏公奏議目錄

一卷 閩稿

恭謝

天恩疏

乞

恩終制疏

水陸官兵剿殺新舊倭寇捷音疏

飛報異常捷音疏

飛報捷音疏

倭寇暫寧條陳善後事宜以圖治安疏凡十二條
剿平倭寇敍有功人員懇乞錄賞以勵人心疏
官兵剿平流寇查叅功罪人員以彰勸懲疏

二卷 閩稿

恭謝

天恩疏

縣官督兵剿賊奮勇陣亡請卹典以勸忠義疏
官兵搗平大勢山寇巢穴飛報全捷疏
官兵追剿大勢倭賊三戰三捷地方底寧疏

水陸官兵剿滅重大倭寇分別殿最
請行賞罰以勵人心疏

海寇已寧比例陳情懇乞

天恩俯容補制以廣

聖孝疏

條陳善後未盡事宜以備遠畧以圖治安疏

三卷 蜀稿

恭謝

天恩疏

照例添設總兵中軍官員以便訓練疏

議處添設將官便督調以安地方疏

條處驛傳事宜以蘇困敝疏

比例陳情乞

恩贈母疏

恭謝

天恩疏

比例陳情乞

恩廢弟疏

特薦大將講求車戰共圖安攘疏

四卷 蜀稿

恭謝

天恩疏

究盜叅官以議善後疏

議設兵備官員以圖善後疏

懇乞襲替以圖保障疏

慶賀疏

恭謝

天恩疏

增設縣治以圖治安疏

擒獲積惡 賊查敘功次以勵人心疏

議建郡城分軍守禦以圖久安長治疏

剿賊計安地方疏

土漢官軍併力搗剿斬獲鄰省逆酋飛報捷音
疏

議處賢能兵備官員以重至要極做邊方疏

五卷 薊遼稿

交代疏

早定廟謨以圖安攘疏

早定廟謨以圖安攘疏

照例設立中軍坐營官以便教練疏

比例改擬坐營添設守備以便戰守疏

分布兵馬以慎秋防疏

條陳薊鎮未盡事宜以重秋防疏凡七條

請復舊兵馬以嚴防守疏

南兵已到即行分布邊塞以重秋防疏

新調達軍請討盜甲以備戰守疏
懇乞

聖明早定 廟謨以圖安攘疏

客兵錢糧不敷

請乞早賑疏

訪獲疏

秋報緊急議處將領以備東西應援疏

徵收隆慶三年夏稅秋糧馬草疏

乞討班軍行糧以資防守疏

六卷 薊遼稿

設官保障疏

薦舉兵備疏

秋防舉劾疏

移至兵將覆疏

請發南兵工食以濟邊用疏

賊窺犯拒堵退遯疏

分布兵馬以飭春防疏

增設重險以保萬世治安疏

議處薊鎮緊要事宜以防患疏

恭報擊捷音疏

拒堵賊突犯疏

議處財用定經制以垂永久疏

計處薊遼善後事宜以裨邊防疏

改設管糧專官以重責成以資邊計疏

恭報禦大捷疏

分布兵馬以慎秋防疏

再議增設重險以保萬世治安疏

乞

恩照舊例賞賚遠戍邊兵疏

七卷 薊遼稿

分布兵馬以慎秋防疏

欽奉

聖諭疏

懇乞

聖明講求大經大法以足國用以圖安攘以建久安

長治疏

流言亂正搖動人心懇乞

聖明遣官會勘敵臺以定國是以全忠計疏

添設將領團練車營以圖制勝疏

寇侵入謹申

聖諭飭諸臣以急圖戰守機宜疏

申明舊例查覈馬匹以重秋攘疏

明會計以通時變預遠圖疏

申廟謨獻愚衷以預飭防秋大計疏

比例請討行糧科草以便克敵疏

八卷 薊遼稿

防秋事竣諒功舉刺疏

懇乞

天恩議處人衛兵馬土兵宜練邊兵宜減兩全重鎮

疏

城完紀功行賞疏

地震疏

地方災異疏

零賊乘夜竊入撲射燒窰軍人疏

九卷 薊遼稿

感激非常

恩遇披誠 請兵備戰守以圖補報疏凡七條

懇乞

聖明早定 廟謨以圖安攘疏

調議邊務以裨實效疏

請設專官馭新軍以防重地疏

敷陳末議以裨益倉漕疏

重地增兵防禦以保萬全疏

十卷 薊遼稿

沿邊缺乏火器速乞

請發以充備禦疏

卽事效忠再飭春防大計以慎固疆場疏

感激非常

恩遇披誠 請兵以備戰守以圖補報疏

營務初更條陳未盡事宜以飭戎政以裨安攘

疏

哨報東西達 合謀大舉 請乞預調保邊人

援兵馬以助戰守疏

查陳舊例漕運疏

遼東急缺大將乞早推補先褒死節以作忠勇疏

薦舉兵備官員以備錄用疏

舉劾有司官員以昭勸懲疏

舉劾大小將領以飭邊備疏

議撤防春兵馬疏

議撤防秋兵馬疏

懇乞

天恩俯容辭免重任以圖安分盡職疏

譚襄敏公奏議凡例引

邑侯武原顧穎泉公治宜之六季始纂定

先大司馬太保襄敏譚公奏議凡十卷共一百四

疏爰命不肖得次其卷目而引其義例焉惟

侯表章一代名臣鴻功鉅典義兼述作所以輔相

駿業對揚

三朝廟議峻南北內外之大防至深切也匪徒虎賁

宵中郎之貌傳寫競十吏之書而已其徵杞宋

之文獻備韓范之家乘在其中矣先是

撫臺王公命 公弟督府經歷綵訂梓而四明薛
生遇實 公門人校正之 公存日定督撫稿
一百零六十疏約千有奇袁生每卷刪去撤防
自陳故事每篇刪去各衙門牒呈套語惟
公建議字無增損 公督撫八閩以及兩川百粵
至歷官九徼註日月以見經畧薛生以兩年精
力加參詳焉今

侯一因而削獨裁其所未正加其所未備補入
薊遼緊要章疏凡數篇

侯以爲

國之大事故特表舊藏本以傳俾後之有事西北
者守焉方今

天子聖神文武一德北鄙安堵南 蕩平頃播酋小
醜至塵

九重宣詔膚奏卽攷 公疏中處置播州一節亦足
爲晉公之得當以服人心已

侯少習知海防慕 公兵間觀時事而傷之以爲
得一二文事武備大臣可保百年無事開千萬

世太平矧合于茲土獲公邑屋俎豆之鄉

公子錦衣指揮僉事河圖能文而武以世其家搜

羅家藏名本副在京師以

侯命走北邸數千里外馬上得之

侯拜

公書疏見公子如見公焉於是閱易伏臘手

自纂修而命不肖得執役稍稍正魯魚之誤辨

庫庫之點以式

侯成命焉

一卷數目錄曰撫閩曰撫蜀曰總督薊遼係

公存日手定一因家藏抄本

一叅入原任浙江總副乞終制疏一其自薊遼

交代疏一并邊務諸要害疏十並以家本爲

正

一公在浙台州晉海道有殺倭大功而讓其上

在本兵六年有鎮定

國勞而讓其下

侯前序中紀載甚詳以待史氏大書特書

一疏內編年日月並以公存日家本爲正其薛生所校邸本間有前後抵牾今更註定以便參閱

一薛生校本有題無文有文無題者俱纂定編入及原本差訛典守爲與勒戰爲勤之類俱已改定

一每奏分篇皆公存日手定一依公子錦衣家本存手澤也

一沿邊建臺三千座勝十萬師

侯意欲廣邊圖以傳但奏疏中不便入九邊圖止載邊長里數及春秋兩防官屬以便翻閱

邑人晚學李希哲頓首述

譚襄敏公像讚

江右炳靈乃生豪英居家孝友事

主忠貞學成文武勛勒旂旌南倭北虜烟霧掃清西
川東廣鯨鯢殲平薊遼扞蔽

京邸干城誠與才合智暨勇并始仕庫部兵畧起名
終作柱石兵柄陟卿蟒衣

賚賜

龍誥顯榮前累

褒贈世及簪纓功多

社稷

恩疊

朝廷祭葬賜諡襄敏謚宏公不負國
帝特用情伯仲吉甫千古同聲

益王潢南道人書

譚襄敏公遺像



譚襄敏公讚

聖代龍升雲襄霧贊惟嶽降神挺國之幹濬哲淳淵
 英規逼漢飛燕項領伏犀領貫黃石呈書青箱投算
 嵩高應王太山紆灌九 窺疆突巢煦爨垂幄運籌
 提戈淨亂丹檄投鋒青止釋惋氛消宇澄河清海晏
 銅柱題銘璧輪銓翰審象惟劍含毫申讚日月名高
 千年璀璨
 後學武原顧所有頓首書

譚襄敏公奏議卷之一



知宜黃縣事後學武原顧所有纂修

恭謝

天恩疏 嘉靖四十二年二月望日題

臣前任浙江布政使司右叅政兼按察司副使
 奉

勅巡海嘉靖四十年三月十九日以父憂離任本年

九月間因廣寇流突江西伏蒙

皇上以金革復臣原職事寧伏蒙

